

**ხელშეკრულება სახელმწიფო შესყიდვის შესახებ**  
№ .....

ქ. თბილისი

..... 2020 წელი

**ქვემოთ მოცემული ხელშეკრულების პირობები შაბლონურია,**  
**მისი პირობები განისაზღვრება სატენდერო დოკუმენტაციის შესაბამისად**  
**და ასევე შესაძლოა რიგი პუნქტები შეიცვალოს ხელშეკრულების გაფორმების დროს**

ერთის მხრივ ქ. თბილისის მუნიციპალიტეტის ჩუღურეთის რაიონის გამგეობა, (შემდგომში „შემსყიდველი“), წარმოდგენილი რაიონის გამგებლის – ზურაბ ჩიკვილაძის სახით და მეორეს მხრივ ....., (შემდგომში „მიმწოდებელი“), წარმოდგენილი მისი ხელმძღვანელის ....., „სახელმწიფო შესყიდვების შესახებ“ საქართველოს კანონის და პრეტენდენტის ----- სატენდერო წინადადების საფუძველზე, ელექტრონული ტენდერის (სატენდერო განცხადების ნომერი: -----) ჩატარების შედეგად, მხარეები აცხადებენ, რომ ორივე მხარის წარმომადგენელი სრულად გაეცნო ხელშეკრულებას, ეთანხმებიან ხელშეკრულებით განსაზღვრულ ყველა პირობას და დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

გამოყენებული ტერმინების განმარტებები:

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციითა თუ საკითხებით, რომლებზეც ხელშეკრულებაში არის მინიშნებები;
- „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- „ფაქტობრივი შესრულება“ ნიშნავს, მიმწოდებლის მიერ ფაქტობრივად შესრულებულ სამუშაოს, რომლის შესაბამისადაც მოახდენს შემსყიდველი მხარე ანგარიშშორებას.
- „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოებს სახელმწიფო შესყიდვის შესახებ მოცემული ხელშეკრულების ფარგლებში;
- „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებაში პირდაპირ არ არის მითითებული „სამუშაო დღე“.

## 1. შესყიდვის ობიექტი

1.1. შესყიდვის ობიექტია:

.....  
1.2. შესყიდვის ობიექტის ერთეულის ფასები მოცემულია ხარჯთაღრიცხვაში, რომელიც ხელშეკრულებას თან ერთვის და წარმოადგენს ხელშეკრულების განუყოფელ ნაწილს. ხელშეკრულების განუყოფელ ნაწილს ასევე წარმოადგენს :

1.2.1. მიმწოდებლის მიერ წარმოდგენილი სატენდერო წინადადება;

1.2.3. შემსყიდველის მიერ ელ.სისტემაში ატვირთული მონაცემები/მოთხოვნები/მითითებები თუ სხვა, რომლებიც თანხვედრაშია წინამდებარე ხელშეკრულების პუნქტებთან. წინააღმდეგ შემთხვევაში უპირატესოდა ენიჭება ხელშეკრულებით განსაზღვრულ დებულებებს;

## 2. ხელშეკრულების ჯამური ღირებულება

- 2.1. ხელშეკრულების ჯამური ღირებულება შეადგენს ----- (-----) ლარს.
- 2.2. ხელშეკრულების ჯამური ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

## 3. შესყიდვის ობიექტის მიწოდების ვადები, ადგილი და პირობები

- 3.1. სამუშაოების მიწოდების ვადა – ხელშეკრულების გაფორმებიდან ..... (.....) კალენდარული დღე.
- 3.2. მიმწოდებელი ვალდებულია სამუშაოები დაიწყოს ხელშეკრულების გაფორმებიდან არაუგვიანეს 3 (სამი) კალენდარულ დღეში.
- 3.3. ხელშეკრულების გაფორმებიდან 10 (ათი) კალენდარული დღის ვადაში მიმწოდებელი ვალდებულია ადგილზე არსებული ფაქტიური ვითარების გათვალისწინებით წერილობით წარმოადგინოს ინფორმაცია საპროექტო სახარჯთაღრიცხვო დოკუმენტაციისთან მიმართებაში ურთიერთ შეუსაბამობის შესახებ (ასეთის არსებობის შემთხვევაში). აღნიშნული ინფორმაცია დამუშავდება გამგეობის მიერ და მიღებული გადაწყვეტილება წერილობით სახით ეცნობება „მიმწოდებელს“. აღნიშნული ვადის გასვლის შემდეგ გამგეობა აღარ განიხილავს ხელშეკრულებაში ცვლილებების შეტანის საკითხს, თუ თავიდანვე, ზემოხსენებულ ვადაში, ადგილზე არსებული ფაქტობრივი ვითარების შესწავლის დროს იყო შესაძლებელი. მიმწოდებლის მხრიდან წერილის დადგენილ ვადაში წარმოუდგენლობა გამგეობის მხრიდან ჩაითვლება შენიშვნების არ არსებობად.
- 3.4. მიმწოდებელი ვალდებულია სამუშაოების მიწოდების ვადის განმავლობაში, არც ერთი სამუშაო დღით არ შეაფერხოს ხელშეკრულებით გათვალისწინებული ვალდებულებების/მუშა პროცესის წარმოება, წინააღმდეგ შემთხვევაში შემსყიდველი მხარე უფლებამოსილი იქნება დააკისროს მიმწოდებელს ამავე ხელშეკრულებით გათვალისწინებული პასუხისმგებლობის ზომები.
- 3.5. მიმწოდებელმა სამშენებლო ობიექტზე თვალსაჩინო ადგილას უნდა განათავსოს მინიმუმ 1(ერთი) ცალი საინფორმაციო დაფა (100 სმ/80 სმ) შემსყიდველის მიერ გადაცემული ესკიზის შესაბამისად.
- 3.6. შესყიდვის მიწოდების ადგილია: .....
- 3.7. ხელშეკრულების შესრულების მთელ პერიოდში, მიმწოდებელმა უნდა უზრუნველყოს საქართველოში მოქმედი სამშენებლო და გარემოსდაცვითი ნორმების განუხრელი შესრულება.
- 3.8. მიმწოდებელი ვალდებულია სამუშაოების შესრულების დროს გამოიყენოს მხოლოდ ის მასალები, რომელთა ხარისხი შეესაბამება საქართველოში აღიარებულ სტანდარტებსა და ნორმებს, წინააღმდეგ შემთხვევაში შემსყიდველი უფლებამოსილია არ ჩაიბაროს ჩატარებული სამუშაოები.
- 3.9. მიმწოდებელი ვალდებულია სამუშაოს დასრულებისთანავე გაათავისუფლოს სამუშაო ადგილი სამშენებლო მოწყობილობა-დანადგარებისაგან და სამუშაოების წარმოების პროცესში წარმოქმნილი ნარჩენებისაგან (ასეთის არსებობის შემთხვევაში).
- 3.10. მიმწოდებელი ვალდებულია აღადგინოს სამუშაოების წარმოების პროცესში მისი მიზეზით დაზიანებული ინფრასტრუქტურა (ასეთის არსებობის შემთხვევაში).
- 3.11. იმ შემთხვევაში, როდესაც ხარჯთაღრიცხვით განსაზღვრული სამუშაოების მოცულობების ცვლილება არ იწვევს ხელშეკრულების ღირებულების გაზრდას, აღნიშნული სამუშაოების მოცულობები შესაძლებელია შეიცვალოს (დაზუსტდეს) შესასრულებელი სამუშაოების გათვალისწინებით, ინჰექტირების განმახორციელებელ პირებთან და საპროექტო ორგანიზაციასთან წინასწარი შეთანხმების საფუძველზე, რაზედაც გაფორმდება შესაბამისი შეთანხმების აქტი.

#### 4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2021 წლის ..... გარდა წინამდებარე ხელშეკრულების მე-6 მუხლისა, რომლის მოქმედების ვადა განისაზღვრება მასში მითითებული საგარანტიო ვადის შესაბამისად.

#### 5. შესყიდვის ობიექტის მიღება-ჩაბარების წესი

5.1. მშენებლობის ტექნიკური ზედამხედველობის მომსახურებას განახორციელებს, – ა(ა)იპ „თბილისის მუნიციპალური ლაბორატორია“.

5.2. შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. ამასთან, სამუშაოების (ან მისი ნაწილის) შესრულების თარიღად ჩაითვლება „შესრულებული სამუშაოების აქტში“ ფორმა №2-ში მითითებული თარიღი, დადასტურებული ტექნიკური ზედამხედველის მიერ.

5.3. შესყიდვის ობიექტზე მიღება-ჩაბარების აქტი გაფორმდება ა(ა)იპ „თბილისის მუნიციპალური ლაბორატორია“-ს მიერ, შესრულებულ სამუშაოებზე დამოწმებული ფორმა №2-ის წარმოდგენის შემდგომ.

5.4. მიმწოდებელი ეტაპობრივად ჩააბარებს შემსყიდველს შესრულებულ სამუშაოებს. სამუშაოების ეტაპობრივი მიღება-ჩაბარება განხორციელდება მიმწოდებლის მიერ წარმოდგენილი სამუშაოთა შესრულების ფორმა №2-ის საფუძველზე, რომელიც დამოწმებული უნდა იყოს – ა(ა)იპ „თბილისის მუნიციპალური ლაბორატორია“-ს უფლებამოსილი წარმომადგენლის ხელმოწერით და დადასტურებული სათანადო ბეჭდით. სამუშაოთა საბოლოო მიღება-ჩაბარება განხორციელდება მათი დამთავრების შემდეგ თანახმად ტექნიკური დავალებისა, მოქმედი სამშენებლო ნორმებითა და წესებით განსაზღვრული აქტების საფუძველზე და მიმწოდებლის მიერ წარმოდგენილი სამუშაოთა შესრულების ფორმა №2-ის საფუძველზე, რომელიც დამოწმებული უნდა იყოს – ა(ა)იპ „თბილისის მუნიციპალური ლაბორატორია“-ს უფლებამოსილი წარმომადგენლის ხელმოწერითა და დადასტურებული სათანადო ბეჭდით.

5.5. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი და ამავე მუხლის „5.6“-5.8“ და „5.11“ პუნქტებით გათვალისწინებული შემთხვევებისა.

5.6. სამუშაოების წარმოების პროცესში, სამუშაოს ახალი პოზიცი(ებ)ის (გარემოებების) წარმოქმნის შემთხვევაში, რომლის საფუძველზეც ხარჯთაღრიცხვაში განხორციელდება ახალი ერთეულის ფასის შეტანა შემსყიდველის მხრიდან ანაზღაურდება მხოლოდ სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნით განსაზღვრული ახალი პოზიციის (გარემოების) ერთეულის ფასის ფარგლებში ექსპერტიზის დასკვნით დადგენილი ფაქტობრივი დანახარჯების მიხედვით, თუ აღნიშნულზე გადაწყვეტილება მიღებულ იქნება ამავე მუხლის „5.8“ პუნქტის შესაბამისად. ექსპერტიზის მომსახურების ღირებულებას ანაზღაურებს მიმწოდებელი.

5.7. იმ შემთხვევაში, როდესაც მიმწოდებელი შესყიდვის ობიექტზე წააწყდება განსაკუთრებულ შემთხვევებს (რომლის განსაზღვრა წინასწარ შეუძლებელი იყო), მათ შორის სამუშაოს ახალი პოზიციების შესრულების აუცილებლობას და ეს გარემოებები აფერხებს ხელშეკრულებით გათვალისწინებული პირობების შესრულებას, მან დაუყონებლივ უნდა გაუგზავნოს წერილობითი შეტყობინება შემსყიდველსა და სამუშაოებზე ტექნიკური ზედამხედველობის განმახორციელებელ ორგანიზაციას ა(ა)იპ „თბილისის მუნიციპალური ლაბორატორიას“ შეფერხების ფაქტის, მისი შესაძლო ხანგრძლივობის და გამომწვევი მიზეზების გათვალისწინებით.

5.8. შემსყიდველი ორგანიზაცია მოწოდებული ინფორმაციის საფუძველზე იღებს არგუმენტირებულ გადაწყვეტილებას ჩაითვლება თუ არა წარმოდგენილი გარემოებები ობიექტურად და აცნობებს ამის შესახებ „მიმწოდებელს“. წარმოდგენილი გარემოებების გათვალისწინების შემთხვევაში გაფორმდება შეთანხმების აქტი, რომელიც დადასტურდება „შემსყიდველის“, „მიმწოდებელის“, ა(ა)იპ „თბილისის მუნიციპალური ლაბორატორიის“ და საპროექტო ორგანიზაციის წარმომადგენლების მიერ.

5.9. ამავე მუხლის „5.6“-5.8“ პუნქტებით გათვალისწინებული შემთხვევის დადგომისას, ხელშეკრულების ღირებულების ზრდის შესახებ გადაწყვეტილებას იღებს „შემსყიდველი“ ამავე მუხლის „5.8“ პუნქტის შესაბამისად, იმ შემთხვევაში თუ ხელშეკრულებით გათვალისწინებული ვალდებულებების შესრულებისას არ შემცირდა ხარჯთაღრიცხვით გათვალისწინებული სხვა სამუშაოების მოცულობა, რომლიდანაც შესაძლოა მთლიანად ან/და ნაწილობრივ ანაზღაურდეს ახალი პოზიცი(ებ)ის წარმოქმნით გამოწვეული ხარჯი.

5.10. შეთანხმების ოქმის საფუძველზე საპროექტო ორგანიზაციის მიერ საპროექტო სახარჯთაღრიცხვო დოკუმენტაციაში ცვლილებების შეტანამდე, „შემსყიდველს“ უფლება აქვს მისცეს დავალება „მიმწოდებელს“ სამუშაოს შეჩერებაზე. სამუშაოების შეჩერება არ იქნება განხილული, როგორც ხელშეკრულების პირობების შეუსრულებლობა და არ გამოიწვევს საჯარიმო სანქციების გამოყენებას. დავალება შესაძლოა გაიცეს ზეპირსიტყვიერად, თუმცა დროის უმოკლეს ვადებში, იგი წერილობითი სახით უნდა გადაეცეს მეორე მხარეს.

5.11. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში ხელშეკრულების საერთო ღირებულების ზრდა შესაძლებელია არაუმეტეს 10 %-სა, მხოლოდ კანონმდებლობითა და წინამდებარე ხელშეკრულებით დადგენილი წესის შესაბამისად, როდესაც იცვლება საპროექტო-სახარჯთაღრიცხვო დოკუმენტაციით გათვალისწინებული მოცულობები ან/და დგება ახალი სახეობის სამუშაოს შესრულების აუცილებლობა.

5.12. იმ შემთხვევაში თუ „მიმწოდებელი“ წერილობითი შეთანხმების გარეშე, შეასრულებს სამუშაოებს, რომელიც სცილდება ხელშეკრულებით გათვალისწინებულ სამუშაო მოცულობებს ან/და განახორციელებს ახალ სამუშაოებს, მაშინ შემსყიდველს არ წარმოეშვება ამ სამუშაოების ანაზღაურების ვალდებულება.

5.13. იმ შემთხვევაში, თუ შესრულებული სამუშაო ან მისი ნაწილი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველი ან/და მისი უფლებამოსილი პირი აცნობებს მიმწოდებელს შემოწმების შედეგებს დაწუნებული სამუშაოს მოცულობისა და წუნდების მიზეზის მითითებით. შემსყიდველი უფლებამოსილია, საკუთარი შეხედულებისამებრ განუსაზღვროს მიმწოდებელს ვადა დაწუნებული სამუშაოს გამოსწორების მიზნით, ხოლო მიმწოდებელი იქნება ვალდებული მითითებულ ვადაში გამოსაწოროს ხარვეზი. აღნიშნული ვადის დარღვევის შემთხვევაში მიმწოდებელს დაეკისრება წინამდებარე ხელშეკრულებით გათვალისწინებული პასუხისმგებლობის შესაბამისი ზომა, შემსყიდველის მიერ განსაზღვრული ვადის ბოლო თარიღიდან დეფექტების საბოლოო აღმოფხვრამდე.

## **6. ხელშეკრულების ობიექტის ხარისხი და გარანტია**

6.1. მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2. შესყიდვის ობიექტის საგარანტიო ვადად განისაზღვროს საბოლოო მიღება-ჩაბარების აქტის გაფორმებიდან 5 (ხუთი) წელი.

6.3. „შემსყიდველი“ ვალდებულია წერილობითი ფორმით დაუყოვნებლივ აცნობოს „მიმწოდებელს“ ნაკლის აღმოჩენის შესახებ.

6.4. შეტყობინების მიღების შემდეგ, საგარანტიო ვადის პერიოდში „მიმწოდებელი“ ვალდებულია შემსყიდველის მიერ მითითებულ ვადაში, საკუთარი ხარჯებით უზრუნველყოს ექსპლოატაციის პროცესში გამოვლენილი დეფექტის აღმოფხვრა, გარდა იმ შემთხვევებისა, როცა დეფექტი გამოწვეულია არასწორი ექსპლოატაციის, მექანიკურად დაზიანების ან მიმწოდებლისაგან დამოუკიდებელი სხვა მიზეზების გამო. საგარანტიო პერიოდში მიმწოდებელს დაეკისრება, როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისათვის მიყენებული ზიანის ანაზღაურება.

6.5. თუ „მიმწოდებელი“ ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

## **7. ანგარიშსწორების ფორმა, გრაფიკი (გადები) და ადგილი**

- 7.1. „მიმწოდებელთან“ ანგარიშსწორება განხორციელდება ლარში;
- 7.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;
- 7.3. წინასწარი ანგარიშსწორება გათვალისწინებული არ არის.
- 7.4. ანგარიშსწორება „შემსყიდველის“ მიერ მოხდება ეტაპობრივად, შესყიდვის ობიექტის მიწოდებისა და წინამდებარე ხელშეკრულების 5.3. მუხლში მითითებული დოკუმენტაციის წარმოდგენის შემდეგ არაუმეტეს 10 (ათი) სამუშაო დღის ვადაში.
- 7.5. იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.
- 7.6. მიმწოდებისათვის წინამდებარე ხელშეკრულების მე-9 მუხლის შესაბამისი პუნქტებით დაკისრებული პირგასამტეხლოს გადახდამდე მხარეთა შორის არ მოხდება შესრულებული სამუშაოს საფუძველზე ანგარიშსწორება, ვინაიდან მხარის მიერ პირგასამტეხლოს გადახდის ვადების დარღვევის, ასევე მხარეთა შორის შეთანხმების შემთხვევაში შემსყიდველი უფლებამოსილია გამოქვითოს ეს უკანასკნელი მიმწოდებლის მიერ შესრულებული სამუშაოსათვის გადასახდელი თანხიდან, რის შემდეგაც მიმწოდებელს ჩაერიცხება დარჩენილი თანხა.
- 7.7. იმ შემთხვევაში თუ წარმოიშვა მიწოდების საბოლოო ვადის გადაცდენის საშიშროება, რომელიც დასტურდება სამუშაოების შესრულების კონტროლისათვის განსაზღვრული პირების ოქმის საფუძველზე, (ობიექტური გარემოებების და საპატიო მიზეზების არარსებობის შემთხვევაში), შემსყიდველს უფლება აქვს „მიმწოდებელს“ წაუყენოს სამუშაო რესურსების დამატების, სამუშაო რეჟიმის ცვლილების მოთხოვნა, ხოლო მისი დაუკმაყოფილებლობის შემთხვევაში „შემსყიდველი“ უფლებამოსილია ცალმხრივად შეწყვიტოს ხელშეკრულება.

## **8. მხარეთა უფლება-მოვალეობანი**

- 8.1. **მიმწოდებელი ვალდებულია:**
  - 8.1.1. სამუშაოს შესრულებისას დაიცვას საქართველოს მოქმედი კანონმდებლობა, სამუშაო შეასრულოს ხელშეკრულების პირობების შესაბამისად, ჯეროვნად და ხარისხიანად;
  - 8.1.2. უმოკლეს ვადაში მიაწოდოს შემსყიდველს მის ხელთ არსებული ინფორმაცია მოსალოდნელ მოვლენებზე ან გარემოებებზე, რომლებსაც შეუძლია უარყოფითად იმოქმედონ ხარისხზე, შეაყვინოს სამუშაოთა ჩატარება ან გაზარდონ სახელშეკრულებო თანხა;
  - 8.1.3. დაუყოვნებლივ შეატყობინოს შემსყიდველს იმ გარემოებათა შესახებ, რომლებიც აზრკოლებენ სამუშაოთა მიმდინარეობას და მის მიერ ნაკისრი სახელშეკრულებო ვალდებულებების სრულფასოვან შესრულებას;
  - 8.1.4. შეასრულოს სამუშაო უსაფრთხო და ეკოლოგიურად მისაღები გზით და დაიცვას ამ საკითხთან დაკავშირებით საქართველოს კანონმდებლობით გათვალისწინებული მოთხოვნები. წინააღმდეგ შემთხვევაში სრული პასუხისმგებლობა ეკისრება მიმწოდებელს;
  - 8.1.5. სამუშაოების შესრულებისას დაასაქმოს კვალიფიციური მუშახელი;
  - 8.1.6. უზრუნველყოს ობიექტზე სამუშაოების წარმოება პასუხისმგებელი პირების, ასევე შრომის დაცვისა და უსაფრთხოების ინჟინერის მუდმივი ზედამხედველობით.
  - 8.1.7. საკუთარი ხარჯებით გამოასწოროს მის მიერ ჩატარებულ სამუშაოზე გამოვლენილი დეფექტი ან ნაკლი;
  - 8.1.8. სამშენებლო სამუშაოების დასრულების შემდეგ, თუ ეს საჭირო გახდება შენობა-ნაგებობების ექსპლუატაციაში მიღების მიზნით, განახორციელოს დამატებითი სამუშაოები, რომელთა შესახებაც მხარეები დამატებით შეთანხმდებიან;
  - 8.1.9. დროულად განიხილოს და აღმოფხვრას მის კომპეტენციაში შემავალი შემსყიდველის მიერ წამოჭრილი თუ სხვა პრობლემები, რომლებიც აფერხებს ხელშეკრულების შესრულებას ან რომელთა გადაჭრაც გააუმჯობესებს ხელშეკრულების შესრულების პროცესს;
  - 8.1.10. შეასრულოს ტენდერის ტექნიკური დოკუმენტაციით განსაზღვრული მიმწოდებლის სხვა ვალდებულებები.

## **8.2. შემსყიდველი ვალდებულია:**

8.2.1. უზრუნველყოს მიმწოდებლისათვის თანხის გადახდა ამ ხელშეკრულების პირობების შესაბამისად;

8.2.2. დროულად განიხილოს და აღმოფხვრას მის კომპეტენციაში შემავალი მიმწოდებლის მიერ წამოჭრილი თუ სხვა პრობლემები, რომლებიც აფერხებს ხელშეკრულების შესრულებას ან რომელთა გადაჭრაც გააუმჯობესებს ხელშეკრულების შესრულების პროცესს;

8.2.3. მიაწოდოს მიმწოდებელს ინფორმაცია ობიექტზე მუშაობის განრიგში არსებული ისეთი ცვლილებების შესახებ, რომელსაც გავლენა აქვს სამუშაოების მიმდინარეობაზე (ასეთის არსებობის შემთხვევაში);

8.2.4. დაიცვას ხელშეკრულებით გათვალისწინებული პირობები.

## **8.3. მიმწოდებელს უფლება აქვს:**

8.3.1. ხელშეკრულების შესაბამისად მიიღოს შესრულებული სამუშაოს დროული და სრული ანაზღაურება;

8.3.2. ჰქონდეს ინფორმაცია ობიექტზე მუშაობის განრიგში არსებული ისეთი ცვლილებების შესახებ, რომელსაც გავლენა აქვს სამუშაოების მიმდინარეობაზე (ასეთის არსებობის შემთხვევაში);

8.3.3. მოითხოვოს შემსყიდველისაგან ხელშეკრულების პირობების დაცვა.

## **8.4. შემსყიდველს უფლება აქვს:**

8.4.1. აწარმოოს ხელშეკრულების პირობების შესრულების მონიტორინგი;

8.4.2. აცნობოს მიმწოდებელს სამუშაოს შესრულების დროს აღმოჩენილი რაიმე წუნის შესახებ და მოითხოვოს მისი გამოსწორება;

8.4.3. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.

## **9. მხარეთა პასუხისმგებლობა ხელშეკრულების დარღვევისას**

9.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

9.2 მიმწოდებელი ვალდებულია სამუშაოები დაიწყოს ხელშეკრულების გაფორმებიდან არაუგვიანეს 3 (სამი) კალენდარულ დღეში, წინააღმდეგ შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0.02%-ის ოდენობით, ხოლო სამუშაოების დაწყების 10 (ათი) კალენდარულ დღეზე მეტი ვადით გადაცილების შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.

9.3 შემსყიდველის მიერ გადაცემულ სამუშაოების დასრულების საბოლოო ვადის დარღვევის შემთხვევაში მიმწოდებელს დაეკისროს პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,02%-ის ოდენობით, ხოლო სამუშაოების დასრულების 10 (ათი) კალენდარულ დღეზე მეტი ვადით გადაცილების შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.

9.4. ხელშეკრულების 3.4. პუნქტით გათვალისწინებული პირობის დარღვევის შემთხვევაში მიმწოდებელს დაეკისრება პირგასამტეხლო ყოველ გაცდენილ დღეზე ხელშეკრულების ღირებულების 0,02%-ის ოდენობით.

9.5. მიმწოდებლის მიერ წინადადებარე ხელშეკრულებით გათვალისწინებული ვალდებულების შეუსრულებლობის შემთხვევაში, შემსყიდველი მხარე მიმართავს მას წერილობითი კორესპონდენციით ან/და სატელეფონო საუბრით (რომლის თაობაზეც შედგება ოქმი), რომელშიც/სადაც მითითებული იქნება მიმწოდებელი მხარის მიერ შეუსრულებელი ვალდებულების თაობაზე და განსაზღვრული იქნება გადაცდომისათვის გამოსასწორებელი ვადა.

9.6. მიმწოდებლის მიერ წინარე ხელშეკრულებით გათვალისწინებული ვალდებულებების ორჯერ დარღვევის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება. ვალდებულების დარღვევა უდავო ფაქტად მიიჩნევა შემსყიდველი მხარის მიერ გაგზავნილი წერილობითი წერილის ან/და სატელეფონო საუბარის საფუძველზე, რომელშიც/სადაც მითითებული იქნება მიმწოდებელი მხარის მიერ ჩადენილი გადაცდომის თაობაზე და განსაზღვრული იქნება გადაცდომისათვის გამოსასწორებელი ვადა.

9.7 ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების საერთო ღირებულების 5%-ის ოდენობით;

9.8 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 სამუშაო დღის ვადაში.

9.9 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

## **10. ხელშეკრულების პირობების გადასინჯვის შესაძლებლობა**

10.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, **წინამდებარე ხელშეკრულებით გათვალისწინებული დებულებების შესაბამისად**, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10.6 ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

## **11. ხელშეკრულების შესრულების შეფერხება**

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11.3. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ მიაწვდის მთელ სამუშაოს ან მისი ნაწილი;

ბ) თუ მიმწოდებელი არ ასრულებს ხელშეკრულებით გათვალისწინებულ, რომელიმე ვალდებულებას.

გ) ხელშეკრულებით გათვალისწინებულ სხვა შემთხვევებში.

11.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ



უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

## **12. ფორს-მაჟორი**

12.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და სამხარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

## **13. დავები და მათი გადაწყვეტის წესი**

13.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

## **14. ხელშეკრულების ინსპექტირების პირობები**

14.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2. ხელშეკრულების ინსპექტირებას შემსყიდველის მხრიდან განახორციელებს:

14.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

14.5. გამგეობის თანამშრომლის მიერ ნაკლის ან დეფექტის თაობაზე შედგენილი აქტის საფუძველზე შემსყიდველის მიერ მიმწოდებლისათვის გაგზავნილი წერილობითი დოკუმენტში მითითებული მოთხოვნები თუ არ იქნა მხარის მიერ 3 (სამი) კალენდარული დღის ვადაში შეცილებული, მიიჩნევა რომ მხარე ეთანხმება ყველა პირობასა და მოთხოვნას, შესაბამისად მან უნდა იმოქმედოს წინამდებარე ხელშეკრულებით განსაზღვრული პირობების საფუძველზე.

## **15. სხვა პირობები**

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.



15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ,

რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

15.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის, ელ.ფოსტის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის მიმწოდებლის მიერ დაფიქსირებულ მისამართზე წარდგენის მომდევნო დღიდან (თუ მიმწოდებელი მხარე წერილობით არ აცნობებს შემსყიდველს მისამართის შეცვლის შესახებ ინფორმაციას).

## 16. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

ქ. თბილისის ჩუღურეთის

რაიონის გამგეობა ს/კოდი: 202467320

მის: დავით აღმაშენებლის გამზ №65

თბილისი, სახელმწიფო ხაზინა

ა/ა № GE24NB0330100200165022

ბანკის კოდი TRESGE22

ზ. ჩიკვილაძე